



麵線卵

滿子二十歲生日該日，佢無買厥生日禮物，過一張股票分佢；佢乜無買雞卵糕，堵好屋下有朋友轉金門買個麵線，煮一碗麵線卵分佢食。佢切兩條蔥仔，定定仔燴香，煎一粒卵包先撩到碗項，過地煮水，等水滾放麵線落去。麵線滾兩下仔就好地，舀到細碗公仔、放卵包、滴一息仔香油，還過一開始燴個蔥油落去。

一碗色水單純個麵線卵，吾滿子食到歡頭笑面，緊講：「還香哦，好食！好食！」雖然人講「滿子滿嬌嬌，無魚毋食朝」，毋過，佢試著吾滿子個嘴斗異好、嘴碼也好，最貼心个，係佢知阿姆想麼个。該堆到滿面个幸福笑容，就像表示對佢个感謝。

佢笑等同滿子講：「生日，毋係毋難日喎？該，該當愛你煮麵線卵，分佢過運正著！」佢講，佢會記在心。還記得，佢讀小學个時節同吾姆討生日禮物，吾姆咄佢講：「佢兜人毋知麼个安到生日，自家去煮麵線卵食！」佢聽著麵線卵，面一孬，大擘擘仔搖等出，拂忒一身个鐵屎。

掃掌店个時節，輒常會有人來注文麵線、卵，愛同老人家做生日；較工夫个人，在自家生日个時節，乜會買麵線、卵轉去，分阿姆食。十二粒擇過个雞卵愛排好、兩只長壽麵線放頂高，尋一隻淨俐、堵好大个細紙箱仔裝等，紙箱面貼一條長形个紅紙。這，就係頭擺人个生日禮物；當然，有人較大出手，就會注文三十六粒靚靚个雞卵。

後來，佢去學「科儀」正知，十二，除忒代表一年个十二隻月；十二，係在人身五劫「生、老、病、死、苦」个「老」位。十二粒靚靚个雞卵，望老人家「一年十二隻月都平安康健」，也望老人家「長命百歲，食到老」。今這下，佢自家乜開始老地，想起該聽著麵線卵就面一孬个自家，試著異見笑。

佢想，係講吾姆還在，在佢生日个時節，佢會煮一碗麵線卵分阿姆，同時在心肝肚感謝姐婆分佢一個恁好个阿姆；在佢自家生日个時節，佢乜會煮一碗麵線卵分阿姆食，感謝佢降佢、渡佢，一路惜佢到做人个阿姆。別人看佢，仰會逐日都係好日？該係因為，佢有一個同艱苦留分自家，幸福留分子女个阿姆。

作者：彭瑞珠

☆詞彙學習☆

【燴】biag：乾煎。

【色水】sed` sui`：顏色。

【過運】go iun：去霉運。

【咄】doi`：斥責。

【鐵屎】tied` sii`：原為「承著鐵屎」，指被遷怒或遭受波及。

【科儀】ko` ngi`：道教的儀軌。